

Inuussutissanik nersutillu nappaataannik inunnut tunillaassorsinnaasunik nakkutilliineq pillugu Inatsisartut peqqussutaata allanngortinneqarneranik Inatsisartut peqqussutaat nr. 9, 31. maj 2001-imeersoq (Umassusilinnut tappiorannartunut tunngatillugu pitsaassutsimik nakkutilliineq) Atuussimasoq (Historisk)

§ 1.

Inuussutissanik nersutillu nappaataannik inunnut tunillaassorsinnaasunik nakkutilliineq pillugu Inatsisartut peqqussutaat nr. 17, 28. oktober 1993-imeersumi Inatsisartut peqqussutaat nr. 7, 2. maj 1996-imeersukkut allanngortinneqartumi makku allannguutigitinneqassapput.

1. § 1, imm. 1, ima oqaasertalerneqassaaq:

" Inatsisartut peqqussutaanni ilaatinneqarput inuussutissat, nersutit nappaataat inunnut tunillaassorsinnaasut, taamatuttaaq perlerorneq trikinillu, imermik imerneqartartumik imermillu nalunnermut atorneqartartumik tamanut atorneqarsinnaatitaasumik umassusilinnut tappiorannartunut tunngatillugu pitsaassusissaq kiisalu imermik suliarinniffiusartunik imeqarfinnillu teknikkkut eqqiluisaarnissakkullu aaqqissuussisarneq pillugit misissuisarneq, akuersissuteqartarneq+ nakkutilliinerlu."

2. Kapitali 2-mi § 3-p kingornanut ikkunneqassaaq:

"§ 3a. Erngup imerneqartartup aamma erngup nalunnermut atorneqartartup tamanut atorneqarsinnaatitaasup umassusilinnut tappiorannartunut tunngatillugu pitsaassusissaa pillugu Naalakkersuisut malittarisassanik aalajangersaasinnaapput."

3. § 4-p kingornanut ikkunneqassaaq:

"§ 4a. Umassusilinnut tappiorannartunut tunngatillugu erngup pitsaassusissaaanik § 3a naapertorlugu aalajangersarneqartumik nakkutilliineq pillugu Naalakkersuisut malittarisassanik aalajangersaasinnaapput."

4. Kapitali 4-imi § 9-p kingornanut ikkunneqassaaq:

"§ 9a. Pitsaassusissamut piunasaqaatinik § 3 a naapertorlugu aalajangersarneqartunik qaangiisimanernik paasisaartoqartillugu iliussissat pillugit Naalakkersuisut maleruagassanik aalajangersaassapput."

5. Kapitali 5-imi § 11-p kingornanut ikkunneqassaaq:

"§ 11 a. Imermik suliarinnittarfiit imeqarfiillu kiisalu naluttarfiit tamanit atorneqarsinnaasut inersuillu naluttarfiit atorneqalersinnagit naalakkersuisunit akuersissutigineqartassapput."

6. § 15, imm. 2 ima oqaasertalerneqassaaq:

"Imm. 2. Malittarisassani Inatsisartut peqqussutaat manna naapertorlugu atuutilersinneqartuni malittarisassani aalajangersakkanik unioqutitsinernut akiliisitsisoqartarnissaa arsaarinnittoqartarnissaalu pillugit maleruagassanik aalajangersaasoqarsinnaavoq."

§ 2.

Inatsisartut peqqussutaat ulloq 1. juli 2001-imi atuutilerpoq.

Namminersornerullutik Oqartussat, ulloq 31. maj 2001

Jonathan Motzfeldt

/

Alfred Jakobsen